



IZVOR

Broj 19
juni 2025

list osnovne škole "Sokolje"

RAZGOVOR S POVODOM



ARMINA BUKVIĆ
POMOĆNIK DIREKTORA ŠKOLE

IZVOR: Ko je Armina Bukvić?

Prije svega moram kazati da bih voljela da drugi govore o meni i mojim djelima. No, prilika je takva pa ću kazati nešto o sebi. Armina Bukvić je rođena u Sarajevu 1986. godine. Cjelokupno školovanje mi je vezano za grad Sarajevo, koji najviše volim i gdje sam završila Gimnaziju Dobrinja i Pedagoški fakultet, te stekla zvanje magistra kulture življenja i tehničkog odgoja. Radno iskustvo sam stekla na poslovima nastavnice tehničke kulture u JU OŠ "Sokolje" a trenutno obavljam poslove pomoćnika direktora ili voditelja dijela nastavnog procesa. Vodilja kroz život mi je rad, red i disciplina. Posebno sam usmjerena na stvaranje poticajnog školskog okruženja, saradnju s nastavnicima i roditeljima, te kontinuirano unaprjeđenje kvaliteta obrazovanja. Posebno sam ponosna na to da sam majka jedne djevojčice, te da uspješno balansiram profesionalne obaveze i porodični život, što me dodatno motivira za stvaranje školskog okruženja u kojem djeca rastu sigurna i motivirana.

IZVOR: Šta je posao pomoćnika direktora?

Pomoćnik direktora škole ili voditelj dijela nastavnog procesa u školi je pozicija na kojoj prije svega pored stručnosti trebate imati i empatiju za kolege, učenike i roditelje kako bi pružili potrebnu podršku, te djelovali preventivno i pratili provođenje planiranih aktivnosti. Također, na ovoj poziciji

trebate biti podrška i pomoć direktoru škole, te u saradnji sa direktorom kreirati strategije za odgoj i obrazovanje u školi, kako bi ona bila sigurno i ugodno okruženje za sve naše učenike.

IZVOR: Šta bi ste bili da niste pomoćnik direktora?

Bila bih nastavnica Tehničke kulture jer je to posao koji zaista volim. Rad sa mladim generacijama i novim tehnologijama i tehničkim dostignućima čini učionicu punu istraživanja, radosti, učenja i lijepih trenutaka. Pored ovog posla ono što me interesuje je IT. Ukratko, mislim da bi i dalje bila u polju tehnike i tehničkih nauka jer je to jedna od oblasti koja naš život čini lakšim i ugodnijim a djeca je vole jer podrazumijeva prakticiranje, stvaranje i otkrivanje na način koji je njima prirodan i zanimljiv.

IZVOR: Da li su učenici upoznati sa radom pomoćnika direktora?

Naravno da jesu. Naša škola je i ranije imala pomoćnika direktora. Ja se trudim pored svakodnevnih poslova i obaveza da nađem vremena da aktivno učestvujem u životu škole, da kreiram veću povezanost i međusobno povjerenje, te da razvijamo kulturu međusobnog poštovanja i saradnje, prvenstveno učešćem u zajedničkim aktivnostima i projektima sa ciljem stvaranja cjelovite ličnosti svakog učenika. Mislim da učenici naše škole prepoznaju sigurno i poticajno okruženje, te individualni pristup i prepoznavanje potreba učenika, a podrška u donošenju odluka i razvoj samostalnosti je moj primarni cilj.

IZVOR: Šta je za vas obrazovanje?

Obrazovanje je cjeloživotno učenje. Ono ne prestaje sa prestankom školovanja, štaviše konstantno se nastavlja. To je proces koji oblikuje pojedinca ali i cjelokupno društvo. Jako je važno kroz obrazovanje razviti empatiju, vještine, ali i steći funkcionalna znanja. Mislim da mi je obrazovanje koje sam imala dalo mogućnost povezivanja znanja i praktičnih vještina, ali i oblikovalo me da postanem svjesna važnosti konstantnog usavršavanja i prihi-

vatanja različitosti i novih izazova. Kod obrazovanja jako je važno da pojedinac razumije i spozna svoje potrebe, mogućnosti, ali interesovanja i samim tim će taj proces uvijek biti lagan i zanimljiv.

IZVOR: Koja sjećanja nosite iz osnovne škole?

Davne 1993. godine počinje moje osnovnoškolsko obrazovanje u zamračenom podrumu. Međutim, iako su uslovi školovanja tada bili teški za moju osnovnu školu me vežu zaista lijepe uspomene i sjećanja. Tada još uvijek nesvjesni dešavanja oko nas svaki odlazak u školu za sve učenike i roditelje bio je izazaov koji smo uspješno prevazilazili. Kada su se uslovi školovanja popravili često smo išli u posjete, obilaske i na izlete kojih se rado sjećamo. S posebnom radošću se sjećam mojih nastavnika i nastavnica koji su nas pripremali da postanemo kompletne ličnosti tako što su pored obrazovnog dijela djelovali na nas i odgojno.



IZVOR: Šta biste poručili učenicima?

Obrazovanje je mnogo više od učenja činjenica i rješavanja zadataka. Ono je putovanje koje vas oblikuje, otkriva vaše talente i priprema vas za izazove života. Svaka lekcija, svaki zadatak svaki ispit prilika su za rast i napredak. Poštujte svoje roditelje i nastavnike, te uvijek budite iskreni prema sebi i na tajnačin ćete spoznati svoje vještine, interese te biti prepoznatljivi u tome. Svaki izazov je prilika za novo učenje i sticanje novih kompetencija.

Izvor u novom broju:

<i>Intervju sa pomoćnicom direktorice</i>	2
<i>Pozdrav iz redakcije</i>	3
<i>Maturanti</i>	4
<i>Obilježili smo</i>	6
<i>Aktivnosti i projekti</i>	8
<i>Likovni kutak</i>	16
<i>Posjetili smo</i>	18
<i>Svjetski dan knjige</i>	20
<i>Uspjesi i nagrade</i>	22
<i>Ljetopis</i>	26
<i>Sadako hoće živjeti</i>	27
<i>Zabavnica</i>	28
<i>Prevenција vršnjačkog nasilja</i>	30

IMPRESUM

IZVOR

Školski list JU OŠ "Sokolje"
Numan-paše Čuprilića 25
www.ossokolje.edu.ba
e-mail:ossokolje@osokolje.edu.ba

Urednik: Arijana Alispahić

Redakcija: Edisa Čolaković-Alajmović, Zulejha Kapić

Redakcijski odbor učenika: Sarah Bosno, Delila Maslo

Naslovna strana: tucocoo.com

Pozdrav iz redakcije

BUDI COOL

Budi COOL, oboji svijet bojama
budi svoj i kreni svojim stopama.
Zahvalan budi
i uzmi što ti život nudi.

Budi COOL, napravi dobro djelo,
siromašnome omogući toplo jelo,
sitnica drugom puno znači,
budi dobar, za druge iskači.

Budi pomoć onom kome treba
bit će ti zahvalan sve do neba.
Budi ljubazan, budi drugačiji,
moraš biti pošten prema svakoj
generaciji.

Budi COOL prema svakome,
nepoznatome ili dragome.

Budi COOL, oboji svijet bojama
budi svoj i kreni svojim stopama.
Zahvalan budi
i uzmi što ti život nudi.

Karlo Cecelja

SRETAN 19. ROĐENDAN

Maturanti



IX-1

Alajbegović Rialda, Balaš Džejna, Balaš Hanan, Bećirević Admira, Bosno Sarah, Brezac Ilda, Čehić Ilvana, Duvnjak Vedad, Ešpić Muhamed, Hasović Elmin, Omanović Elma, Piknjač Mirza, Podrug Vedad, Podžić Ajna, Podžić Šerif, Polimac Alem, Sivić Sajra, Smajić Amar, Smajić Inas, Šerifović Ilhad, Turkušić Emina

Razrednik: Nihad Aljović



IX-2

Baljić Berina, Bajić Šerif, Bajrović Lejla, Česović Sukejna, Dedović Lamija, Fejzić Aira, Gušo Ajdin, Hubijar Arduana, Husović Adnel, Kalača Ervin, Kapur Ahmed, Karić Emir, Mahmutović Bilal, Maslo Delila, Omeragić Adel, Podrug Amra, Podrug Salmina, Polovina Nejla, Sarvan Eldar, Spahić Naim, Šišić Alem, Tulić Sara, Zimić Ema

Razrednica: Idmira Šabanović

Maturanti



IX-3

Alispahić Džejna, Bičić Ajla, Bičić Amna, Botić Alden, Curić Aidin, Đuliman Amar, Đuliman Zana, Gušić Tarik, Hasanović Faris, Hasović Amna, Honić Hamza, Imamović Ahmed, Jusić Irsa, Kapić Harun, Krupalija Azra, Mednolučanin Azur, Muratović Alen, Rizvanović Amela, Sadiković Zerina, Sinanović Adnan, Tiro Eldin, Vatreš Armin, Zimić Amina, Žiga Sara

Razrednica: Sanela Karović



IX-4

Bahtanović Bilal, Bičo Faris, Blažević Almin, Cerić Mirhana, Chikha Muhamed, Čovrk Adna, Devedžija Nejla, Džakmić Lejla, Đozo Šejla, Gluhić Irhan, Hodžić Edna, Hodžić Nejla, Hrelja Amar, Kutješ Adin, Laković Nerma, Moco Tarik, Omanović Kanita, Polimac Ajas, Radosavljević Arijan, Radosavljević Ljubomir, Šaćić Benjamin, Šahmanija Ensar, Užičanin Adman

Razrednik: Zijad Okanović

OBILJEŽILI SMO

Svjetski dan pismenosti

Učenici naše škole skrenuli su pažnju na važnost pismenosti kao temeljnog stuba u izgradnji dostojanstvenog i produktivnog čovjeka. Zajedno sa svojim nastavnicima bosanskog jezika učenici su poslali snažnu poruku o važnosti pismenosti i obrazovanja.

Dan evropskih jezika

Učenici naše škole su učestvovali u videočasu sa učenicima iz Turske, Grčke, Portugala, Rumunije i Poljske obilježavajući Dan evropskih jezika u sklopu eTwinning projekta "European Way of Languages". Učenici sedmih i devetih razreda su sa svojim nastavnicama Emirom Alikadić i Hasibom Šahović pripremili video i prezentaciju u kojoj su predstavili svoju državu, školu i grad na engleskom, njemačkom i bosanskom jeziku.

Svjetski dan mentalnog zdravlja

U našoj školi obilježen Svjetski dan mentalnog zdravlja. Podijelom zelenih vrpce uposlenicima škole, predstavnici Vijeća učenika i članice stručne službe škole počeli su sa promocijom važnosti očuvanja mentalnog zdravlja. Uz zelene vrpce, uposlenici su dobili i poruke afirmativnog sadržaja i letke sa uputama za deset koraka prema mentalnom zdravlju. Učenici su poslali snažne poruke podrške i ohrabrenja.



Dan jabuke

Članovi sekcije Mladi ekolozi sa učiteljicom Zulejhom Kapić obilježili Dan jabuke. Koliko su jabuke zdrave učenici su predstavili kroz istraživanja, prezentaciju i crteže. Članovi Likovne sekcije koju vodi učiteljica Mersiha Kuko su postavili izložbu učeničkih radova, te crtežima predstavili koliko su jabuke važne u našoj ishrani.

Nacionalni dan svjesnosti o bibliotekama

Ovogodišnji oktobar vjerni posjetioci biblioteke i njihova bibliotekarka Arijana Alispahić, odlučili su obilježiti saradnjom sa JU Srednjom školom primijenjenih umjetnosti Sarajevo. U bibliotekama svojih škola snimali audio snimke, ilustrovali i dogovarali se pod mentorstvom bibliotekarki, te je tako nastala knjiga „ČITAMO I SLIKAMO POEZIJU“. Osnovci su odabrali omiljene pjesme, a srednjoškolci su odlučili ilustrovati ih. Želja im je, također, bila ove stihove približiti njihovim drugarima sa poteškoćama u razvoju; razvijati kulturu čitanja, a sve za dobrobit cijele zajednice.

Međunarodni dan istraživača

Članovi Tehničke sekcije, sa nastavnicom Hurijom Nalo, obilježili su Međunarodni dan pronalazača. Učenici su izradili edukativne plakate o pojedinim pronalazačima te su za svakog od njih na časovima sekcije izradili odgovarajući praktičan rad. Napravili su izložbu radova.

Dan sigurnijeg interneta

Podvodnom Dana sigurnijeg interneta, učenici IV, VI i VIII razreda, u sklopu nastave informatike, sa nastavnicom Maidom Herac, su kroz niz aktivnosti predstavili koliko je važno pravilno i sigurno koristiti internet. Naši učenici su napravili kviz- Provjeri da li si siguran na internetu i koliko.

OBILJEŽILI SMO

Svjetski dan tablice množenja

Učenici naše škole, zajedno sa nastavnicom Idmirom Šabanović su i ove godine, već tradicionalno, obilježili Svjetski dan tablice množenja. Cilj je širenje ljubavi prema matematici i otkrivanje katkad zaboravljene zabavne strane matematike, popularizacija matematike među mladima, kao i razvoj vještina cjeloživotnog učenja.



Dan maternjeg jezika

Učenici VI razreda učestvovali u radionici povodom Međunarodnog dana maternjeg jezika. Učenici su se tokom prethodnih časova upoznali sa historijskim podacima o razvoju bosanskog jezika, a danas su imali priliku pisati bosančicom. Poseban akcent stavljen je na upotrebu i njegovanje riječi maternjeg jezika u odnosu na riječi stranog porijekla.

Svjetski dan osoba sa Down sindromom



Svjetski dan svjesnosti o autizmu



Svjetski dan roma

Obilježili smo Svjetski dan Roma, dan kojim slavimo bogatu kulturu, tradiciju i doprinos romske zajednice širom svijeta. Ovo je prilika da se podsjetimo na važnost poštovanja različitosti, jednakosti i ljudskih prava za sve.

Svjetski dan voda

U okviru školskog EKO projekta „Čuvajmo svoju planetu” koji vode Mladi ekolozi, obilježen je Dan voda. Uz zajedničko učešće učenika III, VII, VIII i IX razreda, te nastavnica Zulejhe Kapić, Lejle Ferhatović, Sanele Skenderi i Dženite Hodžić skreće se pažnja na važnost pitke vode i na očuvanje vodenih resursa.

Dan planete Zemlje

Članovi Tehničke sekcije, sa nastavnicom Hurijom Nalo, obilježili su Međunarodni dan pronalazača. Učenici su izradili edukativne plakate o pojedinim pronalazačima te su za svakog od njih na časovima sekcije izradili odgovarajući praktičan rad. Napravili su izložbu radova.

Svjetski dan knjige i autorskih prava

Učenici naše škole, zajedno sa nastavnicom Edinom Čolaković-Alajmović i bibliotekarkom Arijanom Alispahić ugodili su bibliotekarku, ilustratorku i književnicu Enesu Ustamujić-Sejdić. Prikazali su izložbu učeničkih radova-dojam na knjigu, priču ili pjesmu iskazan razigranim bojama i tehnikama koje su sami birali. Predstavljanjem izložbe i razgovorom sa ilustratorkom učenici II, III, V; VII i IX razreda pokazali su koliko se talenta krije u svakome od nas.



Aktivnosti

Prijem prvačića

2.9.2024.

U našoj školi upriličen je svečani doček za naših 96 đaka - prvaka. Učenici su uživali u programu koji su za njih pripremili njihovi drugari iz viših razreda i učiteljice.

Dobrodošlicu i sretan početak novoj generaciji prvačića poželjela je i direktorica škole Lejla Podbićanin. Nakon programa učenici su prvi put sjeli u svoje školske klupe, gdje su ih dočekali pokloni. Dragi prvačići, sretan vam početak!



Prvačići sretno!

5. 9. 2024.

I ove godine, povodom polaska u školu 1278 novogradskih prvačića, Općina Novi Grad je organizovala manifestaciju „Prvačići, sretno!“. Manifestacija je održana u Centru „Safet Zajko“, gdje su mališani uživali u druženju sa dječijim zabavljačem Kiketom. Zahvaljujemo se Općini Novi Grad koja je obezbijedila prvačićima ruksake i pribor za uspješan početak.



Historijski čas

24.9.2024.

Povodom obilježavanja 32. godišnjice formiranja 2. viteške brigade za učenike naše škole realizovan je historijski čas. Učenike je sa događajima koji su se dešavali na području naše zajednice u periodu 1992-1995. upoznao Sado Šatrović.



Sigurnost djece u saobraćaju

24.9.2024.

U našoj školi realizovan je čas “Sigurnost djece u saobraćaju”. Čas su realizovali Marina Pašić i Muhamed Begović, policajci angažirani na implementaciji projekta Rad policije u zajednici.



i projekti

Dan učitelja
5.10.2024.

Povodom obilježavanja Dana učitelja kolektiv naše škole posjetio je Banja Luku, gdje nas je ugostio banjalučki muftija Ismail-ef. Smajlović sa svojim saradnicima. Posjetili smo tvrđavu Kastel, Medresu "Reis Ibrahim-ef. Maglajlić, džamije Ferhadiju i Arnaudiju, te druge znamenitosti grada na Vrbasu. Zahvaljujemo se banjalučkom muftiji na gostoprimstvu.



Radionica anksioznost
7.10.2024.

Na času odjeljske zajednice, učenici 7-1 razreda imali su priliku učestvovati u radionici na temu "Anksioznost", koju je vodila pedagogica i porodični psihoterapeut u KJU „Porodično savjetovalište“ Nataša Kahrmanović. Tokom radionice učenici su otvoreno podijelili svoje strahove i razgovarali o svakodnevnim izazovima. Također su naučili korisne tehnike za skretanje misli i vježbe opuštanja, koje će im pomoći u prevazilaženju anksioznosti i očuvanju mentalnog zdravlja.

Radionica "Slika o sebi"
14.10.2024.

U našoj školi su održane radionice za učenike V razreda na temu "Slika o sebi". Radionice je realizovala Emina Džomba, stručna saradnica za prevenciju i ranu intervenciju iz KJU "Porodično savjetovalište".

Druženje sa Halilović Elvirom
17.10.2024.

Oktobar-praznik knjige, mjesec školskih biblioteka, promovisanja knjige i važnosti čitanja obilježili smo kroz različite aktivnosti. Danas nam je bilo zadovoljstvo ugostiti dječijeg pisca Halilović Elvira, autora knjige „Priče iz srcolike zemlje“. Učenici IV razreda uživali su u druženju, razgovoru i prekrasnim pričama o našoj domovini.



Historijski čas
26.10.2024.

Danas su učenici IX razreda, u pratnji nastavnice Lejle Herak posjetili Dujmovska brda. Zajedno sa učenicima drugih škola i Udruženjem „Druga Viteška“- Novi Grad obilježili su godišnjicu bitke na Dujmovskim brdima na Treskavici. Prisutnima se obratio i Omer Osmanović, ministar za boračka pitanja Kantona Sarajevo.



Aktivnosti

Radionica "Ljutnja" 29.10.2024.

Tokom mjeseca oktobra učenici II razreda realizovali su različite aktivnosti i radionice na temu "Ljutnja". Učenici su na zanimljiv način predstavili emocije i tako uočili međusobne sličnosti i različitosti. Razgovarali su o svojim emocijama, o ljutnji kao neprijatnoj emociji, o tome šta je izaziva i kako je kontrolišu.



Škola u prirodi 1.11.2024.

U periodu od 30.10.2024. godine do 01.11.2024 realizovana je Škola u prirodi za učenike četvrtog razreda. Za vrijeme boravka u Školi u prirodi učenici su bili smješteni u hotelu Ada – Blagaj. Na putovanju su posjetili muzej "Bitka za ranjenike na Neretvi" u Jablanici, Nekropolu stećaka "Radimlja" u Stocu, Tekiju na vrelu Bune u Blagaju i Stari most u Mostaru.



Škola planinarenja 15.11.2024.

Učenici VII razreda uspješno su završili Školu planinarenja. U septembru su posjetili Trebević, u oktobru su planinarili na Bjelašnici, a 15.11. je realizovan treći planinarski pohod na Igman.

Priredba povodom Dana državnosti BiH 22.11.2024.

Svečano smo obilježili Dan državnosti Bosne i Hercegovine. Kreativnost i talenat naših učenika predstavljen je kroz njihove literarne i likovne radove. Svaki stih, priča i slika odisali su ljubavlju prema domovini i podsjetili nas koliko je važno da negujemo osjećaj pripadnosti i ponosa prema Bosni i Hercegovini. Učenički radovi oslikali su ljepotu naše zemlje, njenu snagu i postojanost, a naši učenici predstavili su slobodu, jedinstvo i raznolikost, glas nove generacije-budućnost naše domovine.



Obilježavanje Dana državnosti u Općini Novi Grad 25.11.2024.

Učenici naše škole bili su gosti i dali su svoj doprinos u obilježavanju Dana državnosti Bosne i Hercegovine u Općini Novi Grad. Na svečanosti je nastupio hor i orkestar naše škole, uz pratnju nastavnice Emile Čatović. □□

i projekti

Muzička i likovna radionica 30.11.2023.

U našoj školi održana je Muzička i likovna radionica pod nazivom "Narodna muzička tradicija Bosne i Hercegovine – Anterija", kao dio specifičnih oblika nastave za devete i osme razrede. Radionicu su vodile nastavnice Emila Čatović prof. muzičke kulture i Lejla Fehratović prof. likovne kulture zajedno sa članovima KUD-a Vogošća. Cijeli program su uljepšali i doprinijeli realizaciji istog članovi KUD-a i rukovodioci ansambla gospodin Vedad Smajlović i gospođa Alma Maksić zajedno sa članicama KUD-a i učenicima naše škole Sarah Bosno, Rialdom Alajbegović, Aminom Alajbegović, Šejlom Alajmović, Emom Maslo i Emom Bosno. Svi učenici su učestvovali u divnom kulturno-umjetničkom programu.

Radionica "Medijska pismenost" 23.12.2024.

Za učenike IX razreda realizovana je radionica na temu „Medijska pismenost“. Radionica je realizovana na osnovu treninga „2024 Building for Youth Technology and Education (BYTE) workshop“ koji su završile voditeljice radionice Arijana Alispahić i Ildmira Šabanović. Učenici su kroz praktične primjere i zadatke unaprijedili svoje znanje i vještine kritičkog pristupa medijskim sadržajima. Cilj je bio da unaprijede i razviju vještine analize, evaluacije i kreiranja medijskih sadržaja..



Radionice "Pomaganje i hrabrost" 27.12.2024.

Povodom 01. decembra članovi Ekološke sekcije sa nastavnicama Aminom Balaš i Sanelom Skenderi su pripremili prigodne letke i izradili crvene trakice za sve učenike i uposlenike. Crvena trakica je simbol borbe protiv SIDE/AIDS-a od 1991. godine. Na ovaj način učenici su htjeli doprinijeti podizanju svijesti o epidemiji, poticanju napretka u prevenciji i liječenju HIV/AIDS-a, te iskazati podršku.

Radionice "Čarolija vune" 27.12.2024.

Tokom mjeseca decembra Aktiv II razreda je sa učenicima realizovao radionice na temu: "Čarolija vune". Učenici su bili aktivni i uživali u aktivnostima.

Proaktivne strategije upravljanja stresom 13.2.2025.

Vršnjački edukatori, predstavnici Vijeća učenika, uz podršku stručne službe škole, u odjeljenjima od V do IX razreda proveli su radionicu na temu "Proaktivne strategije upravljanja stresom". Cilj radionice je bio da se učenici educiraju o stresorima, stresnim situacijama i reakcijama. Kroz radionicu učenici su osvjestili postojanje i mogućnost prevencije stresora u školi.



Aktivnosti

Radionica "Štednja i darivanje" 21.2.2025.

U mjesecu februaru Aktiv I razreda je realizirao radionicu pod nazivom "Štednja i darivanje". Učenici su aktivno učestvovali u realizaciji radionice.

Svečanost povodom Dana nezavisnosti 27.2.2025.

Povodom Dana nezavisnosti Bosne i Hercegovine u našoj školi održana je prigodna svečanost pod nazivom "Domovino prkosna, u srcu te nosim". Svečanosti su prisustvovali učenici, roditelji, nastavnici, te prijatelji i gosti škole.



EKO projekat "Čuvajmo svoju planetu" 28.2.2025.

Povodom realizacije školskog EKO projekta „Čuvajmo svoju planetu“, Mladi ekolozi naše škole su se pridružili akciji sadnje sadnica u SRC Zlatno polje, koju su pokrenuli članovi Savjeta MZ Naselje Heroja Sokolje sa načelnikom Efendić Semirom. Mladi ekolozi su sa radošću pristupili sadnji, svjesni koliko hladovina znači u vrelim ljetnim danima. Uz moćne EKO poruke, šalju obavijest svima; „Čuvajmo svoju planetu!“



Radionica "Heroji reciklaže" 19.3.2025.

Realizovana je edukativno-zabavna radionica za učenike IV razreda naše škole. Radionicu su realizovali uposlenici JU Zavod za javno zdravstvo KS u okviru projekta „Škole-heroji reciklaže 2025“. Cilj radionice je poticanje djece na razvoj ekološke svijesti i odgovorno ponašanje prema životnoj sredini. Učenici su se zabavili, ponovili osnovne pojmove iz ekologije, učili kroz igru i pjesmu „Heroj reciklaže“. Sva odjeljenja su dobila i diplome za učešće, kao i prigodne poklone kompanija „Eko život“, „AS“ i „Dita“.



Info dan eTwinninga 27.3.2025.

Održan je Info dan eTwinninga, događaj na kojem su zajedno sa učenicima prisustvovali nastavnica Ha-siba Šahović i Emira Alikadić. Za učenike, organizovana je radionica "Građansko obrazovanje: Slavimo ono što nas ujedinjuje!", kao i takmičarski interaktivni kviz na kojem su naši učenici pokazali zavidno znanje iz raznih oblasti. Abdullah Fazlić je osvojio 1. mjesto, a Ajna Bešlija 3. mjesto.

i projekti

Poduzetništvo i finansijska pismenost 3.4.2025.

U našoj školi realizovano je predavanje "Kakve savjete možemo dobiti u banci?" kao dio posebnog programa "Poduzetništvo i finansijska pismenost" koji provodi Institut za razvoj preduniverzitetskog obrazovanja. Predavanje je učenicima VI razreda održao Edin Selmanović, spoljni saradnik Instituta.

Koncert "Međunarodni susreti prijateljstva" 4.4.2025.

Učenici VIII razreda naše škole, u pratnji nastavnice muzičke kulture Emile Čatović, danas su prisustvovali koncertu "Međunarodni susreti prijateljstva – Zauvijek prijatelji". Kroz specifične oblike nastave muzičke kulture učenici imaju priliku da uživaju u različitim kulturno-umjetničkim sadržajima. Zahvaljujemo se UTIKUS "Bašlija" na pozivu, odličnoj organizaciji i bogatom kulturno- umjetničkom programu.

Posjeta naših učenika Odsjeku za fiziku 7.4.2025.

Učenici naše škole u pratnji nastavnica Sanele Karović i Elme Hodžić posjetili manifestaciju "Dani otvorenih vrata Odsjeka za fiziku" na Prirodno – matematičkom fakultetu. U okviru posjete uživali su u sljedećim aktivnostima:

- ☐ Demonstriranje zanimljivih ogleda iz opće fizike.
- ☐ Posjeta Laboratoriju za elektroniku i demonstriranje korištenja laboratorijske opreme.
- ☐ Posjeta istraživačkim laboratorijama Odsjeka za fiziku.
- ☐ Popularno predavanje iz oblasti astrofizike i kratko predstavljanje studijskih programa Odsjeka.



Mađioničarska predstava 9.4.2025.

Učenici razredne nastave uživali su u mađioničarskoj predstavi.

Radionica "Recikliraj me-podrži život" 16.4.2025.

Za učenike VIII razreda saradnica Instituta za razvoj preduniverzitetskog obrazovanja, Maja Kvasina, održala je predavanje na temu „Recikliraj me – podrži život“. Cilj akcije jeste podizanje svijesti o značaju recikliranja među učenicima, nastavnicima i školskom zajednicom. Kroz edukaciju i praktične aktivnosti, inicijativa teži promoviranju odgovornog ponašanja i zaštiti životne sredine, stvarajući odgovorne građane koji doprinose očuvanju planete za sadašnje i buduće generacije.



Aktivnosti

EKO projekat „Čuvajmo svoju planetu“ 18.4.2025.

U okviru EKO projekta „Čuvajmo svoju planetu!“, Mladi ekolozi su izvršili prvu etapu sadnje cvijeća, naredna slijedi u maju. Mladi ekolozi poručuju svima: „Više cvijeća, manje smeća!“



Izložba radova od recikliranog materijala 18.4.2025.

U okviru EKO projekta „Čuvajmo svoju planetu“, idući u susret Danu planete Zemlje, učenici naše škole su pripremili izložbu radova od recikliranog materijala i likovnih radova. Naši učenici poručuju: „Recikliranje rješava mnoge probleme, otpadne materijale pretvaramo u korisne predmete, a samim tim se smanjuje količina otpada! Budimo jedan veliki tim koji će unaprijediti život na našoj planeti!“



Škola plivanja 18.4.2025.

U periodu od 14. do 18. aprila 2025. godine učenici IV razreda su pohađali Školu plivanja na Olimpijskom bazenu Otoka uz stručno vođenje licenciranih trenera. Učenici su imali priliku da usvoje i usavrše osnovne plivačke tehnike, steknu samopouzdanje i sigurnost u vodi, razvijaju koordinaciju, izdržljivost kao i sportski duh. Rado su učestvovali u svim aktivnostima, a napredak svakog od njih bio je vidljiv iz dana u dan. Škola plivanja protekla je u vedrom i sigurnom okruženju uz mnogo smjeha, igre i korisnih znanja.

FILM „Blum – Gospodari svoje budućnosti“ 21.4.2025.

Priču o Blumu ne treba gledati kao priču o sistemu, nego kao priču o čovjeku koje bio napredniji od svoje sredine, imao viziju, iskočio iz svakodnevnog sivila te stvorio nešto što će generacije pamtiti. Kolektiv JU OŠ „Sokolje“ toplo preporučuje dokumentarni film „Blum – Gospodari svoje budućnosti“, priču o hrabrosti, viziji i entuzijazmu.

Likovna radionica u Zemaljskom muzeju 24.4.2025.

U okviru programa specifičnih oblika nastave iz likovne kulture, učenici IX razreda naše škole, u pratnji nastavnice likovne kulture Lejle Fehratović i psihologinje Raseme Kruščice, posjetili su Zemaljski muzej. Tokom posjete, učenici su uspješno realizovali i likovnu radionicu u Botaničkom vrtu muzeja.



i projekti

Projekat "Zdravo" 25.4.2025.

U holu naše škole je realizovan projekat „Zdravo“. Učenici su imali priliku da iskažu svoje kulinarske vještine. Samostalno su pripremali obroke koje su kasnije degustirali. Radionica je protekla u prijatnoj i kreativnoj atmosferi, a učenici su pokazali veliki entuzijazam i snalažljivost. Projekat su realizovale Sanela Skenderi i Nermina Oglečevac.



FEDU književni karavan u našoj školi 7.5.2025.

U mjesecu aprilu Aktiv prvog razreda je realizirao radionicu pod nazivom "Zlato livade". Učenici su aktivno učestvovali u realizaciji radionice. U okviru Festivala dječije umjetnosti čiji je pokrovitelj Općina Novi Grad, književni karavan sa dječijim piscima zaustavio se u našoj školi. Naši gosti su bili: Razija Buharalija, Sanja Seferović Drnovšek i FEDU ambasadorica Ilhana Pojata. Moderatorica je bila Sabina Mujezinović. Učenici IV razreda su uživali u druženju, razgovoru, prekrasnim pjesmama koje promovisu vrijednosti poput prijateljstva, tolerancije, različitosti, ljubavi i mašte. Radujemo se ponovnom druženju.

Dan MZ "Naselje heroja Sokolje" 9.5.2025.

Upriličena je svečanost povodom obilježavanja Dana MZ "Naselje heroja Sokolje". Nakon polaganja cvijeća na spomen-obilježje, učenici naše škole učestvovali su u realizaciji kulturno-umjetničkog programa. Nakon programa održana je svečana sjednica Savjeta MZ "Naselje heroja Sokolje". Ponosni smo što je naša lokalna zajednica prepoznala zalaganje, trud i rad naših učiteljica i dodijelila im zahvalnicu. Za doprinos, pomoć i saradnju koju su pružili zajednici zahvalnice su dobile: Almedina Musić, Emina Baručija-Subašić, Fatima Smajlović i Zenka Česko.

Proljetni izlet 16.5.2025.

Realizovan je proljetni izlet za učenike od I do V razreda. Učenici I, II i III razreda proveli su dan na Stojčevcu, dok su učenici IV i V razreda uživali u aktivnostima u Sportsko-rekreativnom centru Ajdinovići. Zajedno sa svojim učiteljicama, učenici su iskoristili sunčan dan za igru, zabavu i druženje u prirodi. Za učenike VI, VII i VIII razreda organizovan je jednodnevni izlet. Šestaši su posjetili Jablanicu i Mostar, učenici sedmog razreda obišli su Jajce i Travnik, dok su osmaši putovali u Tešanj. U pratnji svojih nastavnika, učenici su obišli kulturno-historijske spomenike i muzeje, te proveli predivan dan uživajući u prirodnim ljepotama naše domovine.

Radionica "Zanimljivi svijet životinja" 21.5.2025.

Učenici V razreda učestvovali su na radionici "Upoznajmo zanimljivi svijet životinja, njihove doktore i provjerimo ono što znamo." Nasu školu je posjetila Mebrura Smajlović-Ćutuk, doktorica veterine i sa učenicima realizovala interaktivnu radionicu. Nakon kratkog predavanja organizovan je i kviz znanja. Učenici su uživali i sa velikim interesom pristupili radionici.



LIKOVNI KUTAK



Hana Ismić VIII-1



Jasmin Alajbegović VI-3



Ilhana Dragović VII-2




Arina Gabela I-1



Adna Korda V-1



Daris Vejo II-4



Hana Đogić IV-3



Ilma Hajvaz VI-4

LIKOVNI KUTAK



Sara Demir III-3



Adi Brezac VII-1



Erna Herac III-2



Ajša Devedžija VI-2



Tarik Talović V-3



Amina Devedžija IV-1



Emin Mehmedović III-2



Rialda Alajbegović IX-1

POSJETILI SMO



POSJETILI SMO



SVJETSKI DAN KNJIGE I AUTORSKIH PRAVA

Upriličena je posebna svečanost u našoj školi, a njeno veličanstvo knjiga to i zaslužuje. Druženje organizovano u holu Osnovne škole „Sokolje“ 24.4.2025. godine je zamišljeno kao posljednja aktivnost u nizu aktivnosti tokom mjeseca aprila, a posvećeno Danu knjige.



Nakon niza predavanja, radionica, prikupljanja podataka i istraživanja, učenici su mogli postaviti pitanja našoj gošći. Vrijeme predviđeno za druženje učenika naše škole sa Enesom Ustamujić-Sejdić, bibliotekarkom, književnicom, ilustratorkom, likovnom umjetnicom je bilo prekratko. Druženje je bilo više od nadahnutog razgovora, protkano posebnom emocijom jer:
“Onaj ko čita živi hiljadu života, a čovjek koji ne čita - živi samo jedan život.”



SVJETSKI DAN KNJIGE I AUTORSKIH PRAVA

A onda je uslijedila izložba učenika- njihov dojam na određenu knjigu, priču ili pjesmu iskazan razigranim bojama i linijama, a istaknut likovnim tehnikama koje su sami birali. Poredili smo učenike radove sa generisanim ilustracijama koje je učenicima ponudio alat umjetne inteligencije ChatGPT. Učenici su zajedno sa našom gošćom zaključili da iako ovaj alat nudi izvrsnu kvalitetu slike, preciznost i brzinu u kreiranju ilustracija, ipak učenici radovi odišu emocijom, strpljenjem, maštom i kreativnošću.



Učenici drugog, trećeg, četvrtog, petog, sedmog i devetog razreda su ovom izložbom radova pokazali koliko talenta se krije u svakom od njih. Ponosni smo na njihov rad.



Sve navedene aktivnosti realizovale su Arijana Alispahić, bibliotekarka škole i Edisa Čolaković-Alajmović, profesorica bosanskoga jezika i književnosti.



U S P J E S I



Najbrži uz najbrže 30.9.2024.

Ispred ARIA centra održan je sportski događaj „Najbrži uz najbrže“. Na utrci koja promovira afirmaciju sporta, te zdrav i aktivan način života učestvovali su učenici iz osnovnih i srednjih škola Kantona Sarajevo. Naš učenik Adel Omeragić bio je najbrži od najbržih i osvojio 1. mjesto. Fantastične rezultate ostvarili su i Nirmela Smajlović i Elmin Hasović koji su osvojili 2. mjesto, te Vedad Osmanagić 3. mjesto.



Sportske igre mladih 14.10.2024.

U Sportskoj dvorani “Ramiz Salčin” održana manifestacija Sportske igre mladih. Učenici naše škole od II do V razreda uzeli su učešće u sportskim igrama. Učenici II razreda osvojili su ekipno 2. mjesto u igri Između dvije vatre. Učenik IV razreda Elmin Blažević osvojio je 1. mjesto u atletici. Učenik V razreda Amin Alajmović osvojio je 3. mjesto u atletici.



Sigurnost djece u saobraćaju 30.11.2024.

Na svečanoj ceremoniji dodjele nagrada za najbolje učesnike na konkursu “Sigurnost djece u saobraćaju, pokaži svoju kreativnost 2024.” našoj učenici III razreda Adeli Lilić uručena je nagrada.



Zimski atletski miting 18.12.2024.

Na 3. Zimskom dječijem atletskom mitingu učenici naše škole su ostvarili zavidne rezultate. Omeragić Adel zauzeo je prvo mjesto u disciplini na 60 m u konkurenciji 2009-2010. godište. Sadiković Kerim zauzeo je prvo mjesto u disciplini na 60 m u konkurenciji 2013. godište. Hećo Aldin zauzeo je drugo mjesto u disciplini 5×60 m u konkurenciji 2011-2012. godište. Šahmanija Ensar zauzeo je četvrto mjesto u disciplini 5×60 u konkurenciji 2009-2010. godište. Štafeta naše škole 4×50 m (Omeragić Adel, Rizvanović Amela, Đuliman Zana i Hasović Elmin je četvrto mjesto.





U S P J E S I



Općinsko takmičenje iz odbojke 17.2.2025.

Održana je završnica općinskog takmičenja iz odbojke za dječake i djevojčice. Učenici naše škole su postigli fenomenalan uspjeh. Dječaci su općinski prvaci u odbojci, a djevojčice su samo jedan stepenik niže, odnosno viceprvakinje općine. Obje ekipe su se plasirale na kantonalno takmičenje.



Revija kulturno-umjetničkog stvaralaštva 12.3.2025.

U dvorani "Ramiz Salčin" održana je završnica turnira na općinskom takmičenju u odbojci za djevojčice i dječake. Učenici naše škole zauzeli su drugo mjesto u obje konkurencije i tako će kao jedina škola sa područja naše općine imati predstavnika u obje kategorije na kantonalnom takmičenju.

Čestitke našim učenicima i nastavniku Šetić Muhamedu.



Općinsko takmičenje u stonom tenisu 18.3.2025.

Naša škola bila je domaćin 16. općinskog takmičenja u stonom tenisu za učenike novogradskih škola. Naši učenici zauzeli su ekipno prvo mjesto. Drugo mjesto je OŠ "Aleksa Šantić", a treće mjesto OŠ "Avdo Smailović".

Pojedinačno učenici su postigli sljedeće rezultate:
Dječaci:

1. mjesto Podrug Vedad- OŠ "Sokolje"
2. mjesto Kapić Harun- OŠ "Sokolje"
3. mjesto Hajdarbašić Edber - OŠ "Avdo Smailović"

Djevojčice:

- 1.mjesto Salkić Džana- OŠ "Aleksa Šantić"
- 2.mjesto Žiga Sara – OŠ "Sokolje"
- 3.mjesto Nokto Šejla – OŠ "Sokolje"





U S P J E S I



Općinsko takmičenje iz predmeta Tehnička kultura 7.4.2025.

Na općinskom takmičenju iz Tehničke kulture održanom u OŠ "Aneks" ekipa naše škole osvojila je 1. mjesto te se plasirala na kantonalno takmičenje. U pojedinačnoj konkurenciji učenici su ostvarili sljedeće rezultate:

Ema Bosno (V razred) 1. mjesto
Adna Grabovica (VI razred) 2. mjesto
Sedin Korda (VII razred) 1. mjesto
Leila Husejnović (VIII razred) 2. mjesto
Sarah Bosno (IX razred) 1. mjesto



Takmičenje iz fizike 9.4.2025.

U OŠ "Čamil Sijarić" održano je općinsko takmičenje iz fizike za osnovne škole. Naš učenik Ajnur Pandža je osvojio 1. mjesto u kategoriji VIII razreda.

Na kantonalnom takmičenju učenik se plasirao na federalno takmičenje.

Čestitke učeniku i nastavnicu Saneli Karović.



Općinsko takmičenje geografije 11.4.2025.

Naša škola je bila domaćin općinskog takmičenja iz geografije. Našu školu predstavljali su Sarah Bosno, Amar Smajić i Edna Hodžić. Sarah Bosno se plasirala na kantonalno takmičenje.

Stras of English 12.4.2025.

Naši učenici VIII i IX razreda Nejla Devedžija, Adna Čovrk, Amna Hasović, Alem Polimac, Sarah Bosno, Nur Pintol, Lejla Gaković, Adna Ručić, Naida Sadiković i Azra Avdić učestvovali na takmičenju iz engleskog jezika Stars of English. Takmičili su se u kategorijama Short Film, Persuasive Speaking, Spelling Bee i English World Cup. Naša učenica Adna Ručić osvojila je 3. mjesto u kategoriji Persuasive Speaking. Učenike su pripremale nastavnice Elma Hodžić i Merima Hodžić.



Kantonalno takmičenje vokalno-instrumentalne muzike 14.4.2025.

Na kantonalnom takmičenju vokalno-instrumentalne muzike hor i orkestar naše škole osvojio je 3. mjesto. Čestitke našim učenicima i nastavnicu Emili Čatović.



U S P J E S I



Takmičenje iz pružanja prve pomoći 26. 4. 2025.

Nakon osvojenog 1. mjesta na općinskom takmičenju naše učenice Ilda Brezac, Nur Pintol, Leila Husejnović, Naida Sadiković, Azra Avdić i Edna Hodžić pokazale su zavidan nivo znanja i osvojile 3. mjesto na 27. kantonalnom takmičenju iz pružanja prve pomoći. Čestitke našoj ekipi i nastavnici Saneli Skenderi.



Takmičenje iz atletike 7.5.2024.

Na općinskom takmičenju učenici naše škole zauzeli su u ekipnom plasmanu drugo mjesto. Pojedinačno učenici su ostvarili fantastične rezultate:

Omeragić Adel – 60m – 1. mjesto

Radosavljević Ljubomir – 60m – 3. mjesto

Imamović Ahmed – 300m -1. mjesto

Šišić Alem -1000m -1. mjesto

Žunić Eldar – 1000m – 3. mjesto

Omeragić Adel, Radosavljević Ljubomir, Imamović Ahmed i Hasović Elmin – štafeta 4×100m – 2. mjesto

Na kantonalnom takmičenju iz atletike učenik naše škole Omeragić Adel je zauzeo 2. mjesto u utrci na 60 m i plasirao se na federalno takmičenje.



Kantonalno takmičenje iz tehničke kulture 17. 5. 2024.

Na kantonalnom takmičenju iz Tehničke kulture ekipa naše škole osvojila je 2. mjesto U pojedinačnom plasmanu učenici su ostvarili sljedeće rezultate:

Ema Bosno V razred – 1. mjesto

Adna Grabovica VI razred – 8. mjesto

Sedin Korda VII razred – 6. mjesto

Leila Husejnović VIII razred – 7. mjesto

Sarah Bosno IX razred – 1. mjesto

Čestitke našim učenicima i nastavnic Huriji Nalo.



Atletsko takmičenje "Postani atleta" 21.5.2025.

U Centru "Safet Zajko" održano je atletsko takmičenje "Postani atleta" za učenike VII razreda. Učenik Hećo Aldin zauzeo je 1. mjesto u disciplini 200m.

SARAJEVSKI LJETOPIS

Mula Mustafa Bašeskija

“Ono što se bilježi ostaje, a ono što se pamti nestaje.”

Sarajevski ljetopis djelo je bošnjačkog ljetopisca Mula Mustafe Bašeskije.

Od marta 1756. godine Mula Mustafa Bašeskija u svom je Ljetopisu bilježio mnoge važne događaje u Sarajevu i Bosni, te je ostavio opsežan zbornik bilješki na turskom jeziku. Ljetopis je značajan izvor za historiju Sarajeva iz druge polovine 18. stoljeća.

Bašeskija je objektivno zapisivao sva važnija zbivanja, pri čemu je pokazivao izrazit pripovjedački dar u koji je utkana tradicija narodnog pripovijedanja.

U Ljetopisu hronološki su zapisani događaji u periodu od nekoliko desetljeća. Pojedini događaji samo su spomenuti, bez mnogo pojedinosti. Neki su događaji detaljnije opisani uz piščevo mišljenje, a o nekima su napisane i pjesme.

Ljetopisac je često koristio narodne predaje i priče da bi potkrijepio svoje tvrdnje. U Ljetopisu se nalaze i kratke narodne priče religioznog ili poučnog karaktera koje se obično završavaju na neočekivan način. Zovu se hićaje (hikaje).

Bašeskija je objektivna, pouzdan ljetopisac. No, on je često u Ljetopisu iznosio i svoje negodovanje prema vlastodršcima i tako izražavao i mišljenje širokih slojeva sarajevskog stanovništva. Želio je biti glas obepravljenih i siromašnih.

LJETOPIS

Ljetopis je vrsta književnog djela u kojem se vjerno, objektivno bilježe stvarni događaji u određenom vremenskom periodu i na određenom lokalitetu. U ljetopisu se uz objektivne činjenice ponekad javljaju i piščevi subjektivni stavovi. Događaji se bilježe hronološkim slijedom.

Mula Mustafa Bašeskija (1732–1809) bošnjački je ljetopisac rođen u Sarajevu u kome je proveo cijeli svoj život. O njemu znamo samo ono što je sam o sebi zabilježio u svom Ljetopisu. Bio je narodni pisar, vjeroučitelj u mektebu, službenik Gazi Husrev-begovog vakufa, imam jedne sarajevske džamije. Pisarska djelatnost navela ga je da započne svoj Ljetopis, a započeo ga je sjećanjem na događaje koji su se zbivali deset godina ranije. Za Bašeskiju kažu da je pisao na turskom, a mislio na bosanskom jeziku. Isticao je da je bosanski jezik ljepši od arapskog, turskog ili perzijskog jezika.




Bašeskijin Ljetopis danas se čuva u Gazi Husrev-begovoj biblioteci u Sarajevu. Sastoji se od 165 listova, formata 19 x 27 cm. Na kožnom povezu utisnuti su ornamenti sastavljenih kružnica.

BAŠESKIJA

Jutros je, usred ljeta, snijeg pao, težak
i mokr. Plaču zaprepastene bašče. Bilježim to
i šutim, jer svikao sam na čuda. Vidim, kroz okna
dućanska, zabrinuta prolaze lica, i nijema. Kamo
će stići, Bože, koji sve znaš? (...)


Tako je nekoć (i to stoji zapisano), crvena
kiša lila ponad grada, pometnija i strah rasli
ko korov. A malo je zdravih u gradu duša. (...)

Abdulah Sidran



SADAKO HOĆE ŽIVJETI

“Sadako hoće živjeti” je najpoznatija knjiga austrijskog pisca Karla Brucknera. Objavljena je 1961. godine i prevedena je na 70 jezika svijeta.



Glavni lik romana je djevojčica iz Hirošime Sadako Sasaki koja je s četiri godine doživjela atomsko bombardovanje Hirošime, te obolijeva od posljedica radijacije. Sadako vjeruje ako napravi 1000 ždralova od zlatnog papira da će ozdraviti. U japanskoj tradiciji ždralovi su simboli zdravlja i mira. Sadako se bori za svoj život, no, ipak kada je napravila 990 ždralova umire.

Atomska bomba na Hirošimu pala je 6. augusta 1945. godine. Američki bombarder poletio je noseći u svom trupu atomsku bombu tešku četiri tone koju je ispustio po dolasku nad apanski grad Hirošimu.

Možda niste znali, ali odlomak (koji radimo u sedmom razredu) i roman u cjelini je zapravo istinit događaj. Djevojčica po imenu Sadako je zaista postojala i umrla je od posljedica radijacije kada je bačena atomska bomba. “Sadako želi živjeti” je naziv romana, i zaista Sadako ne da treba ili mora, nego želi živjeti i uspomena na nju živi i dan-danas ne samo u ovom romanu nego i u Vrtu mira u Hirošimi kojeg su učenici i učenice svojim novčanim priložima izgradili.

Roman u kojem pisac temom, fabulom i likovima prikazuje neki historijski događaj iz bliže ili dalje prošlosti zove se historijski roman. On daje historijsku sliku jednog vremena, a tome doprinose i historijske ličnosti kao likovi, historijski događaji, historijska mjesta...

U ratu stradaju nedužni i djeca, oni koji ništa nisi skrivili najviše ispaštaju. Trebamo se truditi da između ljudi, kao i različitih nacija gradimo prijateljstvo i dobre odnose kako bi svi zajedno mogli živjeti u slozi i ljubavi čuvajući našu prelijepu Zemlju za generacije koje dolaze.

Svakodnevno možemo na televiziji i društvenim mrežama vidjeti slike ranjenih i ubijenih stanovnika u Palestini. Vrlo često vidimo da su stradala djeca i stariji. Kako kaže jedan poznati filozof: „Kada bogati započnu rat, siromašni su ti koji ginu“. Rat mora stati, a ubijanje nevinih treba odmah zaustaviti jer svi ljudi imaju pravo na život, a djeca pravo na sretno djetinjstvo i svoju domovinu.



Nekoliko dana poslije smrti Sadako Sasaki, djeca iz njene škole su odlučili pokrenuti akciju prikupljanja dobrovoljnih priloga za izgradnju spomenika i preminuloj djevojčici i svim drugim žrtvama atomskih bombi. Od 1958. on stoji u Vrtu mira u Hirošimi: simbolična atomska bomba, a na njenom vrhu stoji brončani lik djevojčice Sadako koja u rukama uzdignutim prema nebu drži zlatnog ždrala.


Na postolju su u kamen uklesane Sadakine riječi: *“Ovo je naš poziv. Ovo je naša molitva za mir u cijelom svijetu.”*

Pripremila Delila Maslo IX-2

ZABAVNICA



PRONADI RAZLIKE



© 2010 - www.kidslibrary.com



ZABAVNICA

SUDOKU

	4			7				6
9			6					3
	6			4		9		
	1				6			5
		9				4		
5			8				1	
		7		6			5	
3					5			8
				2			6	

3						7	5	
	4	6		7		9		
				9				1
4	6						1	
			9		4			
	3						2	5
7				6				
		3		1		6	8	
	2	1						4

U svaki red i svaku kolonu kvadrata 9x9 potrebno je upisati brojeve od 1 do 9 tako da se oni ne ponavljaju. Isto tako, u malim kvadratima 3x3 (kojih ima ukupno 9) treba upisati brojeve od 1 do 9 bez ponavljanja.

REBUSI

K=N

Č=T



O=I J=F



E=A

Rješenje: Onomatopeja, Personifikacija

PREVENCIJA VRŠNJAČKOG NASILJA

Nakon niza aktivnosti provedenih u toku mjeseca februara u povodu obilježavanja Međunarodnog dana borbe protiv vršnjačkog nasilja, 26.2. su učenici devetog razreda i predstavnici Vijeća učenika proveli i završnu aktivnost na holu škole. Realizirana je radionica "Ružičasti krug prijateljstva", kroz 8 aktivnosti.

Izazov dobrih dijela

Aktivnost je predstavljena kroz plakat sa izazovima, poput "Nasmješi se nekom ko izgleda tužno", "Nacrtaj srce i pokloni ga prijatelju", "Reci nekom nešto lijepo" i sl. Nakon što ispune izazov, učenici prijavljuju i za isti budu nagrađeni.



Stablo zahvalnosti

Na plakatu je predstavljena ilustracija stabla. Učenicima su bili dostupni papirići različitog oblika, na kojem su pisali poruke zahvalnosti i stavljali na željeno mjesto na stablu.



PREVENCIJA VRŠNJAČKOG NASILJA

Foto kutak

Na posebno dekorisanom mjestu, učenici su zabilježili zajedničke fotografije koje su dijelili na društvenim mrežama uz poruke ljubaznosti.

Kutak zagrljaja

Na zanimljiv način je predstavljeno sigurno mjesto gdje su učesnici razmjenjivali zagrljaje kao znak podrške, prijateljstva i empatije. Cilj aktivnosti je bio da se podstaknu pozitivne emocije i jača osjećaj zajedništva.

Ružičasti lanac prijateljstva

Učenici su na trakama ružičastog papira ispisivali poruke podrške, ljubaznosti i prijateljstva. Trake su zatim povezali u lanac, simbolično pokazujući zajedništvo.



Tajni prijatelj

Učenici su prethodno, u svojim odjeljenjima, razmjenjivali ceduljice sa imenima svojih drugara kada su izabrali tajnog prijatelja. U toku sedmice su imali zadatak da tajnom prijatelju upućuju lijepe riječi, pomažu oko učenja i sl. U holu škole je postavljena ružičasta kutija sa oznakom tajni prijatelj gdje su učenici ubacivali listiće na kojima su naveli na koji način su tajnom prijatelju pružili podršku. Tri najkreativnija rješenja su nagrađena.

Ružičasti otisci

Na velikom platnu, učenici su postavljali prethodno izrezane ružičaste otiske ruku na kojima su ostavljali poruke prijateljstva i podrške.

Glas protiv vršnjačkog nasilja

Učenici su snimili i dva videa u kojima su poslali snažne poruke podrške, prijateljstva i podizanja svijesti povodom Međunarodnog dana borbe protiv vršnjačkog nasilja.

Završna aktivnost je realizovana pod mentorstvom Šabanović Idmire, Hasanspahić Raseme, Šljivo Emine, Okanović Zijada, Karović Sanele i Aljović Nihada. Fotografije i video snimke je snimila i uredila učenica IX-2 razreda Nejla Polovina.

